

## Mi por lesa

*Kontinuashon di e kuenta*

### Ton Raton

Spantá Ton ta wak e pushi.

'Mmm.. mi ttt.. tin  
gana di kkk.. kos dushi,'  
Ton ta gaga.

'Mi tambe,' e pushi  
ta respondé.

'Wèl, raton, ta nèt bon  
ku bo a bin dal un keiru  
akibanda.

Awor mi no tin ku  
buska mas aleu.

Abo lo smak hopi bon.'

'No mishi ku mi!'

Ton ta grita.

I mesora e ta sali na kareda  
ku e pushi su tras.

E pushi ta kore duru,  
pero Ton ta kore mas duru.

Lenga afó e ta dreña  
bèk den e buraku  
tras di kashi di buki.

'O, bo tei kaba?' tata raton  
ta puntr' é.

'Bo no a gusta eifó antó?'

'No dje tantu ei,'

Ton ta respondé pokopoko.

I ku bèrgwensa e ta pensa:  
mama ku tata tin gran rason.

Den dia ta hopi peligroso pa raton.

Otro biaha mi lo tende di nan.

